

PLOANIES SAN MARTIN Y LUNGIARÜ

Invit al De mondial d'oraziun dles Ères le vëndres, ai 4 de merz sot al tema "Sc'i tolëis sò mituns, tolëise sò me". Dales 15.00 Via Crucis da Badia demez y dales 16.00 Mëssa sò Oies cun tesé y cianties dles Ères de Cuba y oferta. Les ères de dotes les ploanies é dër bel inviades da tò pert.

Invit ala **incuntada di vëdù, vëdues y porsones sores** en domènia, ai 06 de merz dales 9.30 a Porsenù, tl'Academia Cusanus: Mëssa cun siur Josef Stricker y referat de Vigl-Maier Elsa. Domisdé aurela cörta cun teater y musiga. Prenotesse cina ai 02 de merz pro osta rapresentanta dl KVW. Le iade é debann, la marëna costa 16 euro. Coriera passa a Picolin ia dala Burcia dales 7.40.

Peregrinaje a Spinges y Porsenù-porta santa (organisé dala Uniun dles Patrones y accompagné da siur degan Iaco Willeit) ai 04/03. I piun ia dal zënter de Lungiarü dales 8.15 y dales 8.30 da S. Martin sot la dlijia. Prenotaziuns pro Lucia 338/99 18 326 o Loise 0474 590 026 cina ai 28 de forá. Düc é der bel invià.

Les Monies Passioniste da Loreto, pro chères ch'al é ince les monies suor Monica da San Martin y suor Olga da San Ciascian, dá fora vigni ann n sfòl sura i avenimènc de súa vita de convènt "**Briciole di Silenzio**" che pó gní descárié da internet: <http://passionisteitaliane.altervista.org/dove-siamo/loreto.html>

SAN MARTIN

Incö domènia, 21 de forá vëgnel tigní l'offerta por **scialdé la dlijia y la colonia** perian dër bel do osc contribut.

Por le **peregrinaje a Porsenù** ai 23 d'aurí prëi dër bel de se prenoté defata pro un/öna di mëmbri dl consëi de cöra paian 25 euro por iade y marëna (cina al 01 de merz). Chësc peregrinaje é n vare important ch'i orun fá deboriada en chësc ann sant, ch'i n'orun nia lascé passé ia zënza aziuns concretes. Tl'injunta ala plata ciafëise plü avisa le program dl peregrinaje.

Indoman, lönesc, 22 de forá, tignunse la **secunda dles incuntades**, che le consëi de cöra á metü a jí por la Carsëma. Al vëgn pater Jan Matik da Oies y l'incuntada se conzentrará sön la Trasfiguraziun de Gejú söl Tabor - vangele dla secunda domènia de Carsëma C - y sön „la ricerca del vero Dio“ (por talian)

I jogn da San Martin tignará na sèra da carté en vëndres ai 26 de forá dales 20.00 tl local di jogn. Düc i jogn é invià!

LUNGIARÜ

Al vëgn indo perié do le **contribut por le mone** che po gní paíé te colonia en chësta y l'altra domènia ai 21 y ai 28 de forá do mëssa.

Por le **peregrinaje a Porsenù** ai 23 d'aurí prëibel prenotesse defata pro Emma Clara te colonia do mëssa o pro i atri aconsiadus, paian 25 € por iade y marëna (cina al 01/03). Le program plü avisa ciafëise injunté a chësta plata. I n'orun nia se lascé sciampé chësta ocasiun de n'aprofité dl ann sant che la Dlijia nes pîta.

Le Sorvise ai Jogn chir jogn y jones che á arjunt la majera eté y che á ligrëza da lauré cun mituns y mitans sciöche **animadus/ësses pro l'ISTÉ DEBORIADA 2016**. Por informaziuns prëibel cherdede sò 0474 523 070 (lönesc - jöbia: 8.00-12.00 y 13.00-17.00) o info@jogn.org. Terno por dé jö les domandes é le 29 de forá.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.02. - 28.02.16 nr. 13

termo da publiché: jöbia 20.00
radio: 90,40 / 93,70

2ª DOMÈNIA DE CARSÈMA - C

Vangele do Lüca 9,28b-36

Gejú â tut Pire, Jan y Iaco sön na pert y é jü impara sön na munt a perié. Tratan ch'al periâ, s'â mudé l'aspet de so müs, y so guant é diventé blanch lominus. Te n iade baiâ dui ëi cun ël. Al ê Mosè y Elia; ai ê aparís te n lominus raiënt y baiâ de súa fin, che dô s'adempli a Ierusalem Al ê gnü na nìora y i à curi cun súa ambria. Ai ê rovà ite tla nìora y se temô. Y dal nio scraiâ na usc: Chësc é mi Fi prelité, ascutédele! Mo do che la usc â zedü, ê Gejú indô su.



Canche la Sacra Scritöra nes presënta sitaziuns particulares olache Idî se manifestëia y se dá da conësce, vëgneres descrites cun realtës che vëgn dant plü gonot: la munt, le lominus, le nio, le cil daver, la usc dal alt, la tëma. Chësc sozed en pert ince pro le bato de Gejú tl lordan, canch'al ciafa le plajëi da Idî por súa misciun.

Ala fin sarál ciamó n iade na munt, la Munt dl Orí, cun i medemi apostui che s'indormedësc. Ince dailó ne capësci nia dër de ci ch'ara se trata.

La trasfiguraziun de Gejú tl vangele da incö é ria da s'imaginé y resta n mister. Mo al é dessigü tröp laite de ci che i apostui á podü sintí te súa vita cun Gejú: che Gejú é mené da Idî, le lominus ch'al raiâ fora, la contentëza ch'al dê inant y y na idea dla grandëza de Dî, ch'ai â ciafé tl lominus raiënt de Gejú, mo spo datrai ince tëma y confujiun, n sentiment de ôt y dl'assënza de Dî. Chël Bel Dî é y resta n Dî curi tl mister, y impó podunse tres indô sintí súa vijinanza, so aiüt, súa consolaziun y súa misericordia.

	SAN MARTIN		LUNGIARÜ
21.02.16 2^a DOMËNIA DE CARSËMA C <i>San Germano</i>	9.00 Staziuns 9.30 Gran Mëssa por la comunité <i>Oferta por scialdé la dlijia y la colonia</i> 12.00 Bato de Marcel Sopplà	21.02.16 Domënia	7.55 Staziuns 8.15 Gran Mëssa por la comunité
22.02.16 Lönesc <i>Catedra de San Pire, Margarita da Cortona</i>	19.30 Incuntada cun pater Jan Matik sura le vangele dla Trasfiguraziun “Alla ricerca del vero Dio”	22.02.16 Lönesc	17.00 Les Staziuns
23.02.16 Dedolönesc <i>Policarp, Otto</i>	15.30 Confesciuns y Öre Sant tla Ciasa Palsa 19.30 Mëssa families Martin Verginer families Rubatscher, Restalt vis y ++ de familia Antonia Dasser	23.02.16 Mertesc	7.30 Zelebrazion dla Parora de Dî
24.02.16 Dedemesaledema <i>Matia apostul, Ida</i>	19.30 Les Staziuns	24.02.16 Mercui	7.30 Mëssa dl ann + Elena Clara Pezzei ++ Giovanni y Albert Costa +++ Giovanni y Sabina Clara y Livia Frontull
25.02.16 Jöbia <i>Walburga, Adeltrud</i>	7.30 Mëssa dl ann ++ Fonjo y Dolfo Unterweger dl ann + Carlo Clement + siur Heinrich Videsott + Maria Unterweger + Maria Pedevilla Corona por vocaziuns Vijita ales families Pespach y Bioch	25.02.16 Jöbia	
26.02.16 Vëndres <i>Ulrich, Matilda</i>	18.30 Adoraziun chîta y confesciuns 19.00 Devoziun de Carsëma	26.02.16 Vëndres	7.30 Mëssa + siur Heinrich Videsott ++ Matî y Sisto Clara + Agostin Daporta Vijita ales families Ties
27.02.16 Sabeda <i>Markward, Iulian</i>	15.30 Mëssa tla Ciasa de Palsa 18.30 Mëssa prefestia families Rives, Picolin dl ann + Rita Costabiei + Artur Conrater (dla Uniun)	27.02.16 Sabeda	20.00 Mëssa prefestia ++ Tino y Tina Schanung ++ Carlo y Milia Devall y Paul Ploner + Magdalena Flatscher
28.02.16 3^a DOMËNIA DE CARSËMA C 	9.00 Staziuns 9.30 Gran Mëssa por la comunité	28.02.16 Domënia	7.55 Staziuns (cun le Cor) 8.15 Gran Mëssa por la comunité